

GNOVE LEÇ ELETORÂL

di FELICIANO MEDEOT

E je passade juste cualchi setemane di cuant che inte Cjamare dai Deputâts taliane al è sucedût chel grant davoî su la votazion pe gnovè leç elettorâl che si à vût sintût su ducj i giornai e telegjornai.

Come cualchidun al à fat justementri notâ, al è il câs di ricuadâ che l'acuardi su la leç elettorâl al è saltât propit suntun articul indula che a jerin providudis normis di pueste pal Trentin e pal Tirolo di misdi pe elezion dai parlamentârs di chês dôs provinciis autonomis: in sumis, si voleve tirâ vie la norme pensade par tutelâ la rapresentance de comunitât lenghistiche todesce.

Chest nus fâs pensâ a cetant che il Stât talian al à in mò di cjapâ at dal test de Costituzione dal 1948: se a son normis di pueste pe tutele des minorancis lenghistichis, sedi chês nazionâls (come la todesce, la slovene e la francese) o lis comunitâts regionâls (come chês furlane e sarde che a son lis plui numerosis e, di fat, a son maiorance in Friûl e in Sardegna), a àn di jessi normis di pueste ançe pe elezion dai lôr rapresentants tal Parlament. No je une cuistion di tutele legâl o ben di ricognossiment internazional, e je une cuistion di principii!

Al è interessant tornâ a viodi cemût che il concet di tutele e rapresentance tal Parlament nol è stât considerât te storie de Republiche Taliane, in particolar pal Friûl e pe nestre Region.

Il test unic su lis leçs pe elezion de Cjamare dal 1957 al divideve il teritori dal stât talian in circoscrizions: di chêtis, la XI e cjapave dentri lis provinciis di Gurize, Udin (e dopo ançe Pordenon) e chês di Belun; la XXXII dute la provincie di Trieste. Il sisteme di ripartizion dai seçs al jere proporzional cu la pussibilitât pal eletôr di esprimi preferencis.

Po cu la stagion dai referendum tai prins agns Novante dal secul passât (si ricuadâs des batais di Mario Segni?) tal 1993 il sisteme al jere cambiât e si jere introdusût, sei ta la Cjamare che tal Senât, un sisteme coerent, cu la leç proponude di Sergio Mattarella: pe Cjama-



La Cjamare dai Deputâts te discussion falade de gnovè leç elettorâl

La identitât dai teritoris e va simpri garantide

La storie de Republiche e registre tancj ribaltions di coleçs e circoscrizions. Impuartance des minorancis linguistichis, sei nazionâls sei regionâls

re, la Region e je stade metude adun intune uniche circoscrizion IX "Friuli Venezia Giulia", cun 10 elets in coleçs indula che al passave il plui votât e 3 elets cul sisteme proporzional.

In timps plui resints, o sin tal 2006, altri "ribaltion" des leçs e si torne a un sisteme proporzional pe Cjamare, ma cence la pussibilitât di esprimi preferencis: un sisteme che al è stât nomenât "porcellum" (cun dut il rispiet par chês puare bestie).

La plui resinte, clamade "Italicum", e je dal 2015 che e sdrume la nestre region in doi coleçs ch'a metin dongje un Triest cun Gurize, dute la Basse furlane, Cividât e po sù fin a Tarvis; chel altri ce ch'al reste de Provincie di Udin

cun dute la Provincie di Pordenon (po cualchidun al varès ançe di spiegâns ce che a àn in comun Tarvis cun Monfalcone o Muglie cun Prissinins). Ance se e je stade in part concjate de Cort Costituzional, il sisteme dai doi coleçs al è in mò in vore.

E je vere che il sisteme elettorâl al varès di garantî sei la rapresentativitât di diversis ideis e propuestis politicis e ançe la governabilitât dal Stât, ma al varès ançe di garantî la rapresentance dai teritoris e des particolaritâts (soredut lenghistichis) presintis su chel teritori.

Pal stes resonament, la presince de minorance slovene tal Parlament e à di jessi garantide par principi daûr di regulis definidis e no su la

fonde di un acuardi jenfri i rapresentants de minorance e un partût.

Si à di ricuadâ che il numar di deputâts mandâts a Rome dal Friûl e di Trieste al è talment piçul (13 su di un total di 630 deputâts) che nol pûes dal sigûr meti in dubit la guverniabilitât dal Stât. E il stes resonament al vâl ançe pes altris circoscrizions indula che a son presintis minorancis lenghistichis.

A son passâts juste 70 agns de aprovazion da la specialitât de nestre Region (che e cole juste ai 27 di Jugn) e de Costituzione de Republiche taliane, ma il Parlament nol à in mò normât la rapresentance di pueste di chescj teritoris. No saressie ançe ore?

GRIPODUZIONE RISERVATA



Il pari de autonomie furlane Tiziano Tessitori

AUTONOMIE SPECIÂL

A 70 agns dal vôt su la Region Friûl Vj

di GIUSEPPE MARIUZ

A colin juscj setante agns dal vôt de Assemblee Costituente, che te sentade plenarie dal 27 di Jugn dal 1947 e decidè di istituî la Region cun autonomie speciâl Friûl - Vignesie Julie. Su la sort istituzional dal Friûl, di diversis mès si discuteve te Sot-Comission "dai 75" de Costituente, oltri che te societât e tai organismis economics e culturâls a nivel local, cun diversis ponts di viste. A contavin soredut resons di caratar politic, stant la sort malciete di Trieste e dai confins cu la Jugoslavia, e di caratar teritorial, par vie che Pordenon e voleve stâ unide cul Venet mentre che Gurize e temeva une supremazie di Udin che e veve inglobât la sô provincie dal 1923 al 1927.

Il pari de Region al pûes jessi considerât Tiziano Tessitori che, poiat de Associazion furlane pe autonomie, dal MPF (Moviment populâr furlan) e de stes Filologjiche, al veve proponût une Region Furlane, doventade un compromès politic a la Costituente "Friuli - Venezia Giulia". La cuistion e jere doventade spinose dopo che Togliatti, cambiant la posizion inizial contrarie dal Pci, si veve declarât favorevul par l'autonomie speciâl, jessint la Region "plurilingue", ven a stâi cun minorance slovene.

Si à di savê difat che nissun in chês volte (al di fûr dal periodic Patrie dal Friûl di pre Josef Marchet) al rivendicave un pari dirit lenghistic dal furlan (che semai al jere considerât un dialet impuartant pe latinitât dal teritori).

Duncje, la poie dai comuniscj a une Region Friûl - Vignesie Ju-

lie a statût speciâl e jere intindude come un plasê fat a lis pretesis de Jugoslavia e de Union sovietiche. Di chi, dute une cressinte oposizion no dome dai partits nazionaliscj, ma ançe de part moderade de Democrazie cristiane, di republicans, liberâls, azioniscj e parfin socialiscj.

Cussì, il vôt a l'Assemblee Costituente si jere trasformât intun boomerang a nivel local. A Udin si revoltarin cuinti l'autonomie speciâl (ma a pro di chês ordenarie) oltri che diversis giornai (soredut Il Lunedì e il Messaggero Veneto), l'Ordin dai avvocats, dai comerciantiscj, l'Associazion agrarie, l'Automobil club, l'Associazion dai industriâls, dai comerciantiscj, dai artesans, l'Associazion "Combattenti e reduci", il sindacât dai insegnants, diversis cooperativis e cussì vie. A Gurize si registrave une proteste in mò plui fuarte viers il plurilinguism (escludint Pci e associazions slovenis), mentre che il Consei comunâl di Pordenon al rilancave une grande Region Venet di Rovigo a Gurize.

Tessitori al restà isolât, siben che la sô posizion e difendès un principi costituzional e che al ves precisât che no jere in discussione la lealtât da lis popolazions de Region viers l'Italie.

Stant che la decision e jere stade cjapade ai 27 di Jugn, te riunione de Costituente ai 30 di Otubar un politic navigât come Giovanni Gronchi al tirâ fûr la propueste di suspension dal statût speciâl di cheste Region, che e fo metude te X norme transitorie. Si rivarà a la Region Friûl - Vignesie Julie dome tal 1963.

GRIPODUZIONE RISERVATA

ART DAL NUFCENT

I animâi te piture di Luigi Zuccheri



Luigi Zuccheri (Glemone 1904-Vignesie 1974) al fo un pitôr dome in aparince figuratîf, ançe parcè che nol rispietave la prospetive fra i animâi e il lôr habitat. I critics lu definirin "classic e felis". Inte foto, un particolâr dal so "Martin pescatore" (g.e.).

NONS DI LÛC

Lis vieris originis pandudis di Scjaramont

di Ermanno Dentesano

Cualchi studiôs plui savint di nô al à vût dit che il non di Castelraimondo (Forgjari) al diven di chel dal patriarcje che lu à tirât sù ae fin dal Dussinte, ven a stâi Raimondo della Torre; il non, cun di fat, al comparis pe prime volte intal 1291.

Un di chescj studiôs al disè ançe che la forme furlane e je une etimologjie populâr di chês taliane, là che la int e à

voltât Castel in Scjâ e Rai-mondo in Ra-mont. Nuie di plui falât: al è vèr il contrari, oben che Castelraimondo al è une paretimologjie di Scjaramont e lu pandar in miôr in altrò.

Par cumò al covente di nome che Scjaramont al è un non une vore vier, cun origjins che a van indaûr fintremai ai Celts e forsint in mò plui in là. Tant par scomençâ Scjar al diven di cjar, come Carso/Scjars, cu la zonte di une

S- (es. cancelâ/scancelâ, Fleons/Sfleons, Casso/Scjas, Chiusa(forte)/Scluse e vie indevant).

Baste pensâ che tacât di Scjaramont o cjatin propite un Scjars. Podopo-mont par antic al jere dal sigûr -mon, là che par poiâsi ben a àn zontât une -t.

O vès di savê che "mon" e je une particule cetant viere, che e vignive doprade par formâ nons di lûc e di altri fat. In Friûl si cjatin une vore

di toponims che a àn dentri cheste particule e o nomenin nome cualchidun: Pisimoni, Enemonç, Esemont, Tramonç, Dimon, Premon, Tarcimont e vie indenant.

O sai che no crodès masse a cheste robe, par vie che fin in di di vuê us àn contât masse sflocjiscj su chescj nons. Fat al è che culi no vin masse puest e duncje o varin di spiegâ in altrò ançe cheste cuistion.

GRIPODUZIONE RISERVATA